

## Sos Nuraghes

7.3.2016

Sos **nuraghes** sun fràigos de forma cònica fatos de pedra, chi s'agatant isceti in Sardigna. Como sunt 7000 mìa. Sos prus mannos e imponentes sunt istados costruidos in su 1500 a.c. e podent tènnere un'artària fintzas de 19 (deghenoe) metros.

Sos nuraghes curripudent a una tipologia de fràigu de diferentes formas e medidas. Esistint nuraghes a una turre e cun tres o bator turres, cun bastiones, ellissoidales etc.

Sunt istruturas chi carchi istòricu narat chi sunt "megalìticas", fatos cun rocas e pedras mannas chi fintzas oe no ischimus cun cale tècnica podiant pesare o artziare sas pedras a subra de su nuraghe. S'istruttura printzipale interna est a cùpula (a sestu acutu) e sa forma esterna est a conu. Su pesu de sas pedras postas in custa manera est importante pro totu s'istruttura e est arribadu a tempos de oe in un'istadu de cunservatzione bonu meda, otimale!

Oe no ischimus galu a ite serbiant sos nuraghes chi sunt istados fraigados 3.500 annos faghet (tres mìa e chimbichentos). Carchi istudiosu narat chi fiant istruturas de difesa, carchi àteru istudiosu narat chi serbiant a pònnere su trigu o su màndigu. Sa teoria prus atzetada narat chi sos nuraghes prus mannos fiant palàtzios reales e cussos prus minores fiant un'istrumentu pro pòdere abbaidare su territòriu pro sos perìgulos de sos inimigos e naturales.

S'etimologia de "nuraghe" est galu de iscobèrrere: b'est chie narat chi benit dae *nurra* 'muntone de pedras' e b'est chie narat chi sa paràula tenet una currispondètzia cun sas limbas semìticas.

Sos nuraghes tenent una ghenna chi est orientada semper a sa matessi diretzione.

Cada nuraghe teniat una possibilidade de vista de àteros tres. In àteras paràulas, una persone chi fiat a subra de unu nuraghe podiat bìdere/comunicare/avisare a àteras tres personas de àteros tres nuraghes.